

黿

峰

集

黿峰集卷之二十

閩郡徐燭與公著

七言律詩

丙辰元日

春風一葉長新萼四十俄然又七齡  
屈指始驚身漸老梳頭還喜髩猶青  
研幾細演羲皇易知止深遵老氏經  
夜鶴曉猿長是伴山人寧負草堂靈

元日新晴集塔影園得交字

除夜新年景漸交  
園林風物類芳郊  
乍停雨色迷花塢  
驟吐陽光掛柳梢  
落鴈近標孤塔峻  
鳴鼃亂聽四鄰敲  
一春行樂從今始  
贏得身閒事事拋

初春二日趙子合携酒同集平遠臺因過  
法雲禪房共用僧字

見說新年樂事恒  
相携共向古臺登  
杯浮餘栢香猶暝  
樹剩殘梅雪尚凝  
興到何嫌頻約客  
身閑應喜不輸僧  
更尋十笏袈裟地  
入夜分題借

佛燈

是夕憇法雲房再和前韻三首

入夜分題借佛燈閒身依法復依僧半宵清語  
爐香燼一片禪心鉢水澄開社請從今日始登  
山猶記去年曾直教坐盡蓮花漏宗旨還須問  
惠能

宗旨還須問惠能塵開明鏡拂何曾悟將南贍  
三車法傳得西來幾代燈草長苾芻青若黛花  
開薝蔔氣如蒸虛堂一點琉璃火夜冷渾忘室

似冰

袞冷渾忘室似水幢幡高掛法雲凝一時綺語  
都成偈數尺禪床總是繩蓮社可容陶處士檀  
林偏愛佛圖澄瓦爐小試旗槍茗疑是松風響  
沸騰

送朱君聘應貢北上

名上春曹對大廷儒衣才脫子衿青千秋共說  
朱家俠三禮深明戴氏經新寵承來丹鳳闕舊  
盟寒却白鷗汀雲霄萬里行將徙徙翻搏風出

北溟

憶昔同脩郡乘年隨君握槩復和鉛致身正屬  
龍頭選得士應從馬骨先看得到長安花似霧折  
來南浦柳如烟史才莫信工求野此去文章重  
木天

初春同俞羨長諸君集高景倩齋中賞殘  
梅限韻三江

共賞殘梅倒玉缸一枝猶挂月痕雙跡如折後  
香辭樹少訝開初影照窓驛使瑤函封寄隴漢

妃珠佩解臨江正逢元夜行歌處魂斷東風笛  
裏腔

元夕開社千萬歲寺分得七虞

一時詞客集閩吳白社初開傍給孤寶扇影搖  
新列炬玉毫光射古浮屠綠醅次第傳鸚鵡紅  
粉低徊唱鷓鴣歡賞漫聽蓮漏急此宵元不禁  
金吾

送匡雲上人遊鴈宕

忽聞金錫振空中海上名山問浙東瀑噴五千

餘尺響嶺高四十九盤通石磴鐘打峰峰月天  
柱旛搖寺寺風覓得謝公登覽處和成佳句共  
稱雄

春集塔影園咏餅中紅白桃花

花信方催少女風春光疑入武陵東丹葩素萼  
成雙艷絳雪青霞共一叢向背斜臨珠箔外醉  
醒都在玉壺中淡妝濃抹休相妬秦虢夫人自  
不同

哭彭有貽明府



去聲山集 卷之二十一  
早拋墨綬卧烟霞十載芳隣忝孟家忽見承塵  
飛鵬易應悲歲運值龍蛇張顛筆絕千行草陶  
令門闌九月花長短笛聲聞最近夜深衫袖淚  
橫斜

贈李都閫

隴西將種昔曾聞此日龍門御李君自愛幙中  
容揖客從知閫外寄將軍登樓玉麈管揮月出  
海霓旌曉挈雲腰下報君惟一劍精光時動斗  
閫文

幙府東開擁節旄况兼文雅領風騷  
霜飛白羽軍威肅月繞朱干陣勢高  
肘後累累懸鵲印燈前細細註龍韜  
正逢卻縠敦詩日每接書生賦彩毫

集絳月蘭若咏餅中剪綵梅花

剪綵爲花供佛堂一枝猶解動何郎  
從教曉日薰難謝不待東風吐亦芳  
細鏤冰蠶繁結蕊誤勾煙蝶浪尋香  
笑他楊柳先搖落任聽關山笛短長

和咏杜鵑花

啼春望帝化何年  
勾出名花血尚鮮  
雨濯絳英張茜錦  
風翻丹萼亂霞箋  
開時合瀉郛筒酒  
催處宜調蜀國弦  
歡賞謾言歸去好  
待看枝上月娟娟

和鄭孟麟留春

春光九十不堪添  
尊酒相留未易淹  
社燕傷離音語咽  
杜鵑啼別血痕霑  
麥苗風起先占候  
棗杏烟生欲吐炎  
腸斷賣花聲漸悄  
香閨人靜懶

開奩

送陳画史之九鯉

海上名山覽未窮，尋真漸次到莆中。  
轟雷入地水聲急，明月在天湖影空。  
詩壁苔生摩積翠，畫圖荔熟寫輕紅。  
夜深一枕遊仙夢，不必邯鄲問呂翁。

送張集虛之新喻應劉明府之招

研田多穫不愁荒，荔子丹時別故鄉。  
邑是宜春尋舊蹟，游須越歲辦歸裝。  
登樓賦就依劉表，入

幕名高重孔璋晝靜消閒摹古帖硬黃新榻戲  
魚堂

送施總戎歸吳門

十年閩海建高牙歸老林丘髻未華名重雲臺  
依日月交深風雅戀烟霞揚舲夜泛婁江水載  
酒春尋茂苑花漫向灞亭呵醉尉爲園須種邵  
平瓜

坐待功成勒景鐘海濱卧鼓息妖烽投閒暫解  
黃金印覽勝頻扶綠玉筇爲將橐中無薏苡報

君匣裏有芙蓉漢廷此日思前箸未許留侯問  
赤松

周喬卿移居三山贈之

廿年志欲此移居南郭今來始結廬却喜羅舍  
僑有宅不歌馮煖出無車論心賓客朝携酒繞  
膝童孫夜授書學得計然良策在方池十畝種  
游魚

送林羽侯之東粵

一劍長游佩轡轡欲尋名勝到番禺孤舟夜泛

江中峽古寺秋探海上珠柳酒醉人杯玳瑁筠  
籠喚客鳥珊瑚南行吊古經祠廟丹荔先羞陸  
大夫

入重光寺

永泰山川不易窮大唐名剎俯溪東半林落葉  
秋飛雨古閣微鐘晚度風入座却聞仙梵遠到  
門便覺俗緣空松篁交蔭長廊靜日暮經行翠  
謁中

宿重光寺用僻間韻

城外種林近繞山佛幡斜挂翠微間尋真客到  
先投寺說法僧高不閉關荷葉雨來偏解響竹  
聲風動未能閒窓櫺半露獅峰色一任飛雲自  
往還

壽山草堂寺

金碧重輝古化城居人猶說草堂名林開盡露  
雲巒色晝靜微聞石瀨聲千歲蒼虬榕樹老半  
爐青蚓篆烟輕村深地僻經過少愈覺空門佛  
日明



登名山室四首

千級盤空磴道危，古杉畱得插天枝。  
珠簾倒掛雲遮斷，石室低懸月上遲。  
巖祀飛昇雙法侶，洞畱坐化兩禪師。  
卧遊向取圖經閱，竒絕今朝到始知。

萬重雲木蔽丹梯，剝有猿聲日夜啼。  
傑閣負嵒分上下，層巒開室別東西。  
桃花不讓秦人種，苔蘚全封宋代題。  
佛祖道場仙世界，可能於此卜幽棲。

重重雲幄護崑崙  
落日危峰接漢青  
荒塚尚遺仙蛻古  
空山常見石龜靈  
室藏洞裏如居盎  
泉瀉崑頭似建瓴  
夜靜神燈飛出谷  
微聞風馭響泠泠

唐封西岳鎮閩都  
莫詫神仙此地無  
百丈山形高紫蓋  
千年靈氣護丹爐  
牛歸林際楸枰在  
鳳去臺前石筍孤  
峰頂放雲池浴日  
客來如入小蓬壺

宿名山院

松竹陰中古路分芒鞋踏破寺門雲林當缺處  
水簾見山到靜時鐘漏開法界清涼眠石榻道  
場興廢考碑文蓮開九品秋潭淨遠送香風講  
席薰

方壺

石厓如削翠屏張地是真君舊道場夜靜古壇  
香氣杳秋深高閣竹陰涼洞臨絕壁披蓊陰泉  
湧清池瀹茗香欲訪前朝興廢事古碑文字近  
消亡

三至方廣岩

芒屨穿雲入翠微  
重來應感舊游稀  
崑開石室依然在水作珠簾  
不斷飛古刻阿羅銷寶相昔  
鐫名姓染苔衣  
堦前老樹還增臘日長  
禪枝大幾圍

鏡堂上人六十初度

舊賜緇衣著水田  
名山隨處可安禪  
眼空日月三千界  
身老烟霞六十年  
古樹却栽僧臘後  
青蓮曾記佛胎先  
澄心日日開明鏡  
拂拭雲堂自

在懸

答贈丘德長太學

新歡相見卽相知把臂林中歎後期  
握裏夜光珠錯落筆端雲氣墨淋漓  
九龍潭水尋歸路  
雙鯉書郵寄遠思  
詩似落花依細草  
一時麗句讓丘遲

寄贈何无咎

布衣權重五陵侯  
湖海聞名二十秋  
家比張君堅霧隱  
詩如何遜擅風流  
匣中綠綺供閒弄  
筆

底青山當卧遊七十七峰常夢到幾時携手看  
龍湫

寄題永嘉王昭文太玉樓

子晉仙才玉不如避喧元自好樓居一時結社  
多名士累代傳家有賜書孤嶼江光浮檻落吹  
臺雲影入簾虛南窓一枕羲皇夢人境何妨獨  
結廬

送匡雲上人還廬山

參禪在在露機鋒臨濟傳衣得正宗千顆到來

餐絳荔一巢歸去結雲松滿天風雪孤僧袖拔  
地烟嵐五老峯我欲遠尋蓮社約虎溪深處笑  
相逢

壽意安上人

出家早向佛皈依衰髮銅刀剃雪稀七十閒身  
猶托鉢三千高足孰傳衣朝聞滕閣鳴鑾響暮  
看匡山瀑布飛不必逢人說僧臘手栽松樹盡  
成圍

忠懿王祠墓有司重興脩治春秋遣官致

祭裔孫諸生一騰索題

東城祠廟北山陵開國功勳百代稱黍稷馨香  
聞享祀棟梁輪奐見重興古碑不改先朝立舊  
事還將霸史徵莫道帝王華胄遠孝思今日屬  
雲仍

萬歲寺

金粟臺前古化城法堂清淨佛燈明珠幡遠見  
凌空出寶塔曾聞湧地成寺額常存前宋賜鼓  
聲猶作後梁鳴碑文細記前朝事不朽西臺御



史名

唐黃滔御  
史作寺碑

定光塔

七級浮屠故郡東  
習成文筆卓秋空  
盤梯及踏金蓮影  
俯檻低聞寶鐸風  
歐冶山河殘霸外  
無諸城闕夕陽中  
擎天一柱標南土  
却憶閩王勦造功

丙辰除夕

半生哀樂夢中過  
來日無如去日多  
丙夜寒聲聞北吹  
丁年冷淚洒西河  
不談世務恒捫虱  
雖

平名書莫換鵲却爲恭喪絲竹廢愁聽臘鼓響  
靈鼉

丁巳元日

畏翻鳳曆閱年光曆尾惟餘十二行懶折桃枝  
高插戶喜看竹簡亂堆床生涯不改簞瓢樂名  
姓慙居翰墨場清福可能消受得一甌清茗半  
爐香

元日鄭孟麟携觴法雲寺歸過風雅堂小

集分得十四鹽

臺上條風柳草纖共尋禪窟禮莊嚴勝遊正值  
春初到小集何妨夜已厭瓶供梅花寒更瘦杯  
傾栢葉煖頻添晨興蠟屐宵燃燭盡日畱連樂  
事兼

人日集塔影園送喻宣仲還豫章徐昭質  
還白下分得五微

人日青絲細菜肥當筵那忍送將歸喜開花徑  
同時集愁說蒲帆相背飛暮雨珠簾懷古闕晴  
江鏡鎖夢空磯綿綿遠道盈盈水三處相思淚

暗樺

題徐昭質江上草堂

幽居半畝鎖烟嵐，日夕茅堂水氣涵。  
鷗鳥掠波衝畫舫，蘋花吹雪颭書龕。  
倒窺山影簾初捲，欲賦清流筆屢含。  
回首六朝佳麗地，幾從江北望江南。

送張葵石將軍歸金陵

柳絲猶未茁長條，送客離魂最易消。  
寶劍携來龍氣動，金陵歸去馬蹄驕。  
身辭瘴海三山遠，夢

到芳洲二水遙後夜鳳凰臺上月何人相伴共  
吹簫

元夕夜邀喻宣仲徐昭質楊南仲僧敬中  
趙十五集風雅堂同賦蓮花燈

一朵田田傍火生朱霞遙映徹宵明細房耀月  
吹香薄紫葍隨風送影輕歸院絕勝宮裏燭涉  
江空度曲中聲紅衣婀娜紅光現疑入芙蓉不  
夜城

爲徐昭質贈婦

伉儷賢聲自昔聞  
幾回臨鏡美徐君  
窓前每勑銀鈎字  
機上頻迴玉錦文  
嗟彼小星歌侍媵  
迎來新嬪配叅軍  
彥先一代稱雙璧  
投贈詩篇愧陸雲

輓林可繼先生

到處名山策杖行  
鷄栖垂老著書成  
白頭正卧松雲影  
黃壤俄聞薤露聲  
門掩筆峰閒蝶夢  
舟維徑水冷鷗盟  
西風一掬山陽淚  
不淺當年下榻情

寄答休遠上人

憶昔雲遊到甬東日湖南畔扣禪宮  
宗門問法尋支遁客路譚詩對遠公  
十五年中俱是夢三千世界總成空  
遙知片石齋居靜長向蒲團覓坐功

送楊南仲還四明因懷楚亭太史

江上垂楊嫩綠初不堪攀折繫離裾  
無魚莫怨歌長缺有賦應知奏子虛  
閩嶺霞光眠野店鑑湖雲影望鄉闌  
送君倍起西州感何處山藏太

史書

龍泉寺

天際蒼屏列五峰，尋僧遙認寺門松。  
香臺歲久巢妖鼠，井水波寒起蟄龍。  
空裏圓光諸相現，石間殘刻古苔封。  
祖師金骨何須問，且讀清規悟正宗。

送林叔寶之池陽吳興省二兄

游越游吳兩地行，鴿原何處不關情。  
柳垂驛路攀猶短，草綠池塘夢已成。  
山綯蓮華峰九疊，溪



迥若雲水雙清故園風景尤堪戀荆樹花開夜  
月明

輓安敬齋將軍

共歎身殲軍務勞霜摧細柳影蕭騷殘兵淚酒  
麒麟塚胄子心傳虎豹韜櫪下香菊空首宿尊  
中涼醞冷葡萄將星一自中天殞誰望營門太  
白高

洪汝含中翰假山初成招同諭宣仲諸子  
宴集分賦

雲根巧疊數峰青  
驅石何曾役五丁  
叱起群羊來洞府  
倩將雙鶴守岩扃  
烟霞縹緲生城市  
林壑逶迤入戶庭  
只恐一丘難穩卧  
移文爭請比山靈

寄王永啟督學山東

藹戟朱旗出鳳臺  
泱泱東海望綸才  
王家久擅青箱業  
魯國新看絳帳開  
何客授經如伏勝  
幾人好學比顏回  
講堂高敞遙臨岱  
時聽秦松入座來

新敷文教普菁莪麟鳳從今屬網羅當代師儒  
高北斗一時弟子集西河雲迷歷下荒城暮草  
沒靈光廢殿多易學以東今漸晦誰談象變似  
田何

送長泰吳令公擢太平別駕

三載清漳撫字勞又從西粵擁旌旄鄰封直接  
交州近卧閣遙看瘴嶺高家世舊傳吳札劍宦  
聲新兆呂虔刀官閒不讓河東柳日對名山賦  
綵毫

倅車叅佐駕驂騑有脚春行十五州地界西標  
銅柱起郡城南面麗江流鬱林奇石還堪載勾  
漏丹砂尚可求極目川原踰八桂古香吹送訟  
庭秋

無題調友人

不掃蛾眉百媚存越羅衫袂透香溫東風菡萏  
嘗留枕暮雨梨花暗斷魂漢殿豈眠驚剪袖秦  
宮春醉懶開門羊車市上人如舜莫見前魚泣  
舊恩

春風調笑酒家胡年少傾城是子都色比何郎  
初傳粉嬌同洛女不施朱燈前舞態迴鸚鵡花  
底歌喉按鷓鴣噉盡餘桃新睡足蒲堂明月照  
甕甌

送朱參戎歸吳中

登壇飛將肅干旗烽燧無光海晏如部曲正傳  
朱鷺引中山俄蒲樂羊書柳垂紫陌還堪折仄  
熟青門偶自鋤看取侯封應萬里帝心依舊  
念居胥

杯酒談兵白羽揮營栽細柳壯軍威碑留片石  
羊公去謗起明珠馬援歸臺上呦呦看鹿走水  
中跼跼見鳶飛卽今南北方多事未許閒門掛  
鐃衣

張紹和入三山值有子之喪感而有作

旅舍逢君倍黯然却因同病轉相憐哀深舐犢  
腸空斷哭比啼鵲血更鮮淚盡西河應此日葬  
歸羸博是何年由來我輩鍾情甚脩短無由問  
九天

戴亨融以貴竹學憲聽調僑寓武夷遠寄

黔中草見示賦此奉答

霞社談詩讓主盟  
衡文遙指夜郎城  
傳經心事違劉向  
謫宦栖遲薄賈生  
鬼國春風瞻馬帳  
仙都秋月聽鸞笙  
漢廷莫歎前薪積  
聖主恩深舊裏行

哭陳元愷計部

粉署棲遲老度支  
青天遙夜獨騎箕  
酒壚痛絕魂亡日  
枕苑哀深論定時  
八斗才應天帝忌  
一

官清畏世人知芳名不朽留書畫冷落秋風舊  
墨池

集國風語作情詩

美人邂逅婉清揚螭首蛾眉笑語長惓惓憂心  
方採蘋纖纖玉手可縫裳天長已見三星在河  
廣誰能一葦航角枕錦衾誰獨旦野田零露自  
瀼瀼

寄吳仲聲掌教永春

乞得青瑣早拜恩河汾年少道彌尊康莊暫屈



驛驢步講席常聞鶴雀喧書著太玄新草閣山  
尋空翠古桃源永春古桃源縣寶宮書永春風煖多士  
如雲盡在門

寄王息父

屈指論交二十秋萍踪無處結綢繆惠連草斷  
池中夢宗炳山多畫裏遊梨嶺月高窺酒舫芝  
城雲暝入書樓武夷相約尋仙去三月桃花好  
放舟

林和靖墓

閉門高隱世相違  
小結茅廬築釣磯  
北闕春風來粟帛  
西湖秋雨上荷衣  
山深倚杖聽猿語  
日落開籠放鶴飛  
寂寞古墳斜映水  
梅花香冷雪霏霏

送智庵上人遊金陵

早人空門世諦消  
薰脩功課在團焦  
三千世界携孤錫  
四百招提問六朝  
曉踏亂山雲擁衲  
夜臨寒水月窺瓢  
參誰座下言能悟  
辨得風幡影動搖

鄭吉甫解鎮遠令左遷還家有贈

休歎含沙射影工  
巫咸寧爲卜窮通  
飛鳬舊識黔中令  
失馬今看塞上翁  
當戶忌栽蘭  
淺翠到家歡  
擘荔輕紅賈  
生不欠談宣室  
漫憶青山桂樹叢

送沈參戎

海濱烽燧忽南侵  
報國將軍杼赤心  
士卒捐軀爭死戰  
倭奴泥首盡生擒  
折衝自草平蠻檄  
談笑能辭納款金  
三立奇勲閩晏堵  
銅標千古不

消沈

送丘文舉

長齋在在定禪心  
佛地清涼到處尋  
貧况更憐今日甚  
交情應較向年深  
林間老鶴隨閒步  
樹杪孤猿伴苦吟  
見說巢由耽石隱  
故人誰贈買山金

山金

鞦韆

朱繩畫架與雲齊  
斜傍東風繡戶西  
影逐落花頻過院  
魂隨飛絮不沾泥  
淩波宛入天河近  
竊

藥疑奔月暈低莫向綠楊深處墜一時驚起曉  
鶯啼

送施麀陽計部還朝

王程遙赴五雲端秋月團圓不共看客送靈槎  
乘使者吏開錦帳候郎官衣邊湛露沾溫樹珮  
底香風動省蘭細數阿兄同籍友幾人青髻着  
巍冠

送撫臺黃公守制歸嘉興

文武威名古甫尊清時鼓角靖轅門鯨鯢已破

跳梁膽烏鳥深懷返哺恩滿院風霜閒  
檠戟半樓烟雨望家園養隆風木無遺恨  
泪染青青栢上痕

挽劉衛尉

不受皇恩統六軍紅顏早已卧松雲  
少年每起聞鷄舞先世曾標汗馬勲乍見  
林間方倚杖誰知地下卽脩文仙山羽鶴  
今何處華表歸來定是君

壽陳都閫

三十登壇熟豹韜八閩專閫擁旌旄肘間如斗  
懸金印身上圍花繡戰袍部卒分營嚴細柳群  
仙渡海進蟠桃壽觴滿泛清秋菊吹徹瑤笙月  
影高

壽徐都督

帶礪山河世祿臣懸弧偏值菊花晨印金在肘  
侯封近虹玉圍腰帝命新且展雄韜探虎豹  
佇有高閣畫麒麟堂前翠聳將軍樹莊叟無煩  
祝人椿

送歐陽開美藩幕守制歸吉州

宋代名高六一公雲孫不忝舊家風  
九霄志遂摩天鵠八法書成戲海鴻  
公署薇花初綴紫慈闈萱草忽消紅  
泉江一水清如練相憶全憑尺素通

白鶴嶺

千盤磴道矗摩霄白鶴高飛不可招  
百尺雉樓城邑近萬重鯨浪海天遙  
繞山霞色晴鋪錦夾路松聲暮湧潮  
拂拭蒼厓舊題刻姓名一半紫



苔消

同陳伯禹集崔徵仲問月樓

危樓結構白雲間  
客到欣然卽啟關  
海近先來當戶月  
窓開全露隔城山  
圖書適意還同賞  
筆硯酬名未得閒  
向夕憑高堪理咏  
一尊相對却忘還

訪福安吳光卿廣文

宏開絳帳日揮犀  
到處山川借品題  
閣上校書燈自燄  
門前問字酒頻携  
講堂晝靜看鱣墜  
官

舍春深聽鳥啼  
明月先生風未遠  
愛君清範在  
廉溪

朝旭堂祀唐補闕薛先生令之恭謁一首  
先生名德重開元  
伴讀東宮道自尊  
一旦闌干題首宿  
千秋香火薦蘭蓀  
鳳凰毛羽何嫌短  
鴻鵠心情祇獨騫  
弈奕新詞朝旭照  
清風猶說古廉村

同吳光卿游棲雲寺

緩步村墟復渡溪  
亂峰深處見招提  
石橋曲折

通杜塢磻戶縈廻入稻畦遊客共披青靄過老  
僧長伴白雲栖高樓忽聽鐘聲動一抹殘陽在  
嶺西

同吳光卿郭君勉過西溪李鱗伯秀才園  
雨中看菊

斫竹編籬曲徑斜叩門冒雨看秋花黃英的礫  
寒垂露紫萼輕盈晚綴霞五色敲深浮酒醖半  
畦香冷透窓紗南山當戶悠然見彷彿柴桑處  
士家

吳光卿招登重金山觀宋鄭學士北山題  
刻

廣文官舍自幽清舍後雲根一片平東郭先生  
初曳履北山學士舊題名天邊磴道斜盤嶺野  
外溪流曲抱城欲問前朝興廢事蕭蕭落木起  
秋聲

張維誠携觴過龜湖寺聽歌者侑觴觀武  
士擊劍同虎林陳以寧宴集次維誠韻  
忽聽霜前朔鴈哀淹留蕭寺景光催陳琳才大

工文檄陶令官閒載酒杯舞劍頓令狂態動徵  
歌偏使旅愁開相逢細說西湖事夢繞孤山幾  
樹梅

留別陳二石用前韻

牢落江南庾信哀僕夫在御曉雞催暫維驛路  
行人騎且醉旗亭送客杯極目秦川滄海濶回  
頭韓坂嶺雲開欲知別後相思意發盡窓前一  
夜梅

游岩湖石坂嶂

遠携雙屐踏烟霞溪繞寒山鳥道賒陰洞火明  
聞是語平川木落見人家松懸峭壁飄金粉藤  
老蒼崖綴玉花選得苔磯趺坐久隔林樵唱夕  
陽斜

留別陳季周用前韻

窮途阮籍倍堪哀不耐陰陽短景催古寺白蓮  
違結社東籬黃菊少銜杯嶺邊馬首穿雲度匣  
裏魚腸掣電開後夜戍樓聞斷角曲中吹落數  
枝梅

留別蔡古狂用前韻

憐君交誼比挑哀無奈殘年旅思催清語誰揮  
花下塵離懷難盡掌中杯雲邊歸騎榕城遠月  
裏疎鍾竹院開作客自慚畱滯久他鄉看菊又  
看梅

陳以寧陳季周陳二石蔡邦書過訪龜湖  
寺小集共得方字

歲殘牢落在他方葭管吹灰動一陽客裏何來  
皆舊雨林中無處不新霜相逢且醉杯深淺未

別先慈路短長同調管筵爭授簡驪龍誰禱夜  
珠光

溪口橋別張維誠令君

嶺路猿聲暮嘯哀溪橋嘶馬苦頻催半空影隔  
瞻雙鳥三疊歌成盡一杯浪跡若萍終自合離  
愁如霧鬱難開相期歲晚榕城裏踏遍三山共  
探梅

張叔弢招遊南山別業四首

歸隱田園賦遂初一丘真是野人居雲開曲徑



常調鶴水溢方塘盡種魚春雨漫吟秧馬句秋  
燈頻課索駝書浩然去後遺風少獨此南山有  
樊廬

四面巖巒路不窮日斜紫翠入窓中重林檜栢  
藏秋靄曲沼芙蓉媚晚風錦繡屏開千嶂列琮  
琤玉響一泉通南峰古剎相鄰近時聽鐘聲落  
半空

臺上逍遙起嘯歌考槃真羨碩人邁亭亭萬仞  
環青士皎皎三更出素娥芳園麝眠香氣重小

池魚食墨痕多不扶藜杖行徧徙老去開晴窗  
薜蘿

攜手同登最上頭透迤鳥道石門幽千家城郭  
烟光夕萬頃滄溟海氣秋菊徑香來同粟里梅  
林夢覺是羅浮幾回欲別增留戀未卜何年續  
此遊

游聖水菴

層巒歷盡入峰陰鳥道逶迤古院深竹影千霄  
青萬挺松聲飛浪翠千尋佛燈靜照三摩地聖

水寒消五濁心歸路似從天際下獨留雲氣在  
衣襟

同何俊卿將軍登蓮花山烟墩觀海

峰頭斥堠立孤危指點滄溟辨地維義馭遠從  
陽谷轉天吳近向海門窺山窮東北通閩浙水  
盡西南接島夷百萬樓船空下瀨不妨飛將雅  
歌時

冬夜集劉長孫參戎署中同朱澹如分韻  
轅門小隊散高牙尊酒邀賓早放衙徐孺堂前

騎下楊柳毵幃裏夜吹笙方聞白羽猶傳檄莫  
憶青門好種瓜西韻吟處芳斗急一簾霜月上  
梅花

邀張維誠明府集薛氏園亭次韻

香雪林間畫啓扉青山如故舊游非樹撐危石  
千重蓋苔繡崇垣一片水醉捲金波壘未耻談  
霏玉屑塵頻振倚闌決背看歸鳥遙見空中鳥  
影飛

丁巳除夕

浮生如夢嘆蹉跎坐閱流光逝水過最易消除  
惟酒債果難降伏是詩魔迴思舊日知交少漸  
覺頻年老態多獨有梅花感客寂未春先發小  
山阿

戊午元旦

飲罷椒觴動曉鐘桃枝插戶帶花濃春王卜日  
爲元獻太歲司衡在著雍造嫁不辭貧賈大牽  
絲應喜快乘龍年將半百恒如此回首人間萬  
事慵

寄葛震甫

十年蹤跡不相親，難覓雙魚寄故人。  
路隔關河，閩嶠遠，夢飛烟水，洞庭新。  
浮沉世態貧儒識，澹泊交情老更真。  
記得鷺峰當日事，鳥啼花落寺門春。

送商孟和應試留都

期爾看花破寂寥，可堪離別在花朝。  
欲尋曉渡歌桃葉，忍向春江折柳條。  
白下書來能不忘，閩中社散倍無聊。  
都門秋老槐黃日，金絡青絲正

馬驕

送林子同之廣德省舅氏薛刺史

垂柳垂楊二月天  
江南行客折爲鞭  
游同主父  
依人懶貌似牢之  
得舅憐  
蠶市桑稠催雨後  
鴉  
山茶發禁烟  
前才高不患逢迎少  
詞賦登壇屬  
少年

過康仙客香霧樓時納新姬有贈

新開三徑自逶迤  
地占幽偏事事宜  
舍下潮生  
通酒舫  
窓前月上捲書帷  
竹聲碎玉微  
風夕花

氣凝香曉霧時山色滿樓青似黛試拈彤管畫  
蛾眉

送王相如游吳

悠悠世事不堪論未得安居老故園花樹繽紛  
經茂苑蒹葭漂泊向何門歌殘白雪聲音變散  
盡黃金意氣存莫道相如游已倦憐才還有卓  
王孫

林魯生過訪以新詩見貽且索爲序率爾

賦贈



臘殘爲客度溫麻嶺北逢君未到家忽憶舊交  
盟水石不辭閒步間烟霞說詩倍覺願堪解覽  
鏡還驚髻未華自愧江郎才欲盡筆端無復夢  
生花

送王粹夫之德州訪阮堅之計部

花事闌珊鳥變音可堪離別在春深途長但得  
蒼頭伴吟苦還驚白髮侵狂客漫授懷裡刺諸  
侯誰贈橐中金步兵廚下多名酒把臂應歡共  
入林

題鄧道協道山新園有清泠臺霹靂岩古蹟宋人題刻甚多

霹靂岩前敞石扉種松猶未長成圍鑿開古洞  
當青壁結就危亭在翠微梁寺故基蔓蔓草宋  
朝殘刻洗苔衣讀書最是城南好刳喙無聲客  
到稀

偶成

迂疎真愧老無能獨坐晴窓慮自澄種竹林間  
空翠濕摘花衣上露香凝消閒檢點詩書畫住

世皈依佛法僧屋後有山才數武不時携酒約  
人登

送傅爾錫之構李謁黃大中丞公

千里長遊劍一函柳花如雪點征衫中原禮士  
推黃歇東海能文重傅咸烏府風霜通短刺鴛  
湖烟雨落輕帆報恩此日心常在不羨楊環野  
崔銜

王用立將軍招集鄭氏池館聽雙美人度  
曲分得花字

芳墅風微碧柳斜美人雙駐七香車  
歌兮舞皆同調桃葉桃根總一家  
纓絕筵前吹絳蠟塵飛梁上拍紅牙  
池光瀲灩如菱鏡影出芙蓉兩朶花

寄馬季聲判興國州

謁選頻年滯帝京  
滄浪今喜濯新纓  
一官暫托栖鸞棘  
半刺初臨下雉城  
縹緲樓臺江夏起  
涵虛湖水仲秋平  
楚稱齊難君能賦  
定有相知薦馬卿

重過鄧道協石林同觀土中新開咸淳題

刻

開林種樹巧圍垣占盡幽奇是此園石跨雲邊  
虛作广岩經雷後劈成門前峰寶剎遮松影先  
代銀鉤蝕土痕夜靜清泠臺上立照人襟袖月  
黃昏

劉長孫書來云掛冠歸三徑就荒寄居墓  
廬作此爲寄

孤憤何如楚大夫解還黃石舊兵符松楸暫寄

先人壠蕙莸空疑老將珠夜舞每聞雞唱月春  
游頻數鴈歸湖應知烈士雄心在日向尊前擊  
唾壺

壽葉相公六十初度

黑頭丞相早投閑八載清朝補袞還日月暫辭  
中極殿烟霞常卧福廬山謀貽燕翼傳家訓夢  
繞龍鱗見聖顏花甲甫週齊致祝半空遙降  
列仙班

蕭蕭華髮對蒼髯再星映狐南入夜占八代文章

韓振起三王禮樂且思兼柴桑採菊情偏逸商  
嶺尋芝興未厭黃蘗峰頭頻嘯咏裁成佳句壓  
江淹

乞歸百疏懇天朝虹玉成圍蚤繫腰書錦笙歌  
韓魏國平泉花木李文饒仙遺碧簡窺丹訣

帝賜黃金築石橋最羨山中真宰相松風樓外  
響春潮

丹宸當年上六箴角巾野服且雲林蒼霞永護  
藏山草赤日長懸戀關心朝夕逍遙人事簡歲

時存問 主恩深調和更待玄功運四海蒼生  
望傳霖

壽高元井明府九十初度

蕭蕭鶴髮復龐眉 閒倚鳩形杖一枝  
勾漏昔燒仙令藥 商山今茹老人芝  
伏生不倦傳經日 衛武難忘示警時  
眼見三朝全盛世 桑榆林下待期頤

漁火

汀洲月黑水連空 夜靜漁燈透短蓬  
孤影暗驚



鷗鷺夢餘光微散鯉魚風斜侵杜若叢叢碧近  
照蘆花點點紅霜落烏啼猶未滅愁眠相對有  
江楓

送倪柯古之端州

壯游不憚涉長途何似南行陸大夫嶺入瘴雲  
鄉夢隔天連蠻雨客愁孤端溪古硯收鸛鶴粵  
國荒臺聽鷓鴣千里故人曾有約風流五馬正  
躊躇

送叔度入粵

浪游頻適粵東西此去還經舊路蹊旅邸慣禁  
長夜宿名山重拂往年題峽中月冷羴羊掛樹  
杪秋深翡翠啼一騎荔陰蔽裏過輕紅無數歷  
枝低

歐世叔貽萬石山筆記

家在平南海上居岩開萬石混元初舟橫古渡  
春携酒門掩奇峰夜著書問水尋山隨鹿豕量  
晴較雨狎樵漁此中丘壑君爲主他日相期共  
結廬

酬萬伯文見寄

聞君歲晏客漳南，山水閩中未遍探。  
雪後又乘孤棹返燈前，應負半宵談。  
每驚吐鳳傳新句，空托征鴻寄遠函。  
家近羅浮峰四百，梅花香裏夢初酣。

再送叔度

路入東西兩粵交，贈君重折綠楊梢。  
嶺高天際秋迴，鴈室冷潭心夜泣。  
鰕蠻雨洒林垂絳，荔瘴雲蒸野起黃。  
茅客窓無事眠方穩，莫近嗷嗷翡翠

翠巢

別林異卿

別路悠悠易愴神  
長河遙望隔參辰  
半宵殘漏迴孤夢  
萬水千山寄一身  
荔子難消鄉國暑  
蘼蕪猶送客衣春  
憶君沉醉青樓月  
夜夜吹簫教玉人

無題

折盡章臺碧柳斜  
臨行猶醉美人家  
無情厭路蘼蕪草  
有信難將苴蔻花  
枕上芳魂雙化蝶  
鏡

中雲髻兩飛鴉織成錦字空相憶夜夜香消繫  
臂紗

十二珠簾月影斜窺牆曾貯宋東家顰眉慘淡  
烟中柳別泪闌干雨後花書至呼童烹錦鯉  
迴喚婢打慈鴉慚無少小傾城色不敢江頭出  
浣紗

次延津懷楊楚亭太史

延水風高夜泊船故人此地昔相憐招魂遠隔  
三千里感舊俄驚二十年草沒虛堂徐穉榻塵

生高閣子雲玄自慚貧賤思難報獨撫雙龍劍  
倚天

重過沙陽感舊

平流十里槳聲齊遙指孤城到史溪廿載頓忘  
塵市路數行猶見石廊題老僧骨瘞邛山北舊  
令魂歸桂嶺西回首昔遊俱是夢不堪吟望重  
悽悽

興國寺尋李忠定寓軒

蒼松寒鏤寺門烟此地曾經寓昔賢宋室分崩

南渡日逐臣漂泊謫居年誰怜朽骨埋孤塚共  
詫遺蹤寄一椽十里平流清似練史溪名姓至  
今傳

康易所孝廉夜酌舟中次韻

客游搔首復躊躇偶爾逢君把臂初錦纜溪頭  
聯彩鷁銀絲盤裏膾黃魚浪高共破長風後山  
好同看過雨餘不獨苦吟消旅况幾回沽酒問  
村墟

游永安桃源洞

白雲深鎖洞門前忽聽鳴雞在樹巔泉湧虎跑  
聲震地峰盤螺髻翠連天四時不斷珠簾雨一  
線潛通石竇烟花落花生開從客到于今非是避  
秦年

五日集王相如別業同鄒有年曾玉立

掛帆西上問漁滄借榻名園晷漸長五日菖蒲  
傳令節一時萍梗滯他鄉差池燕影泥當戶嘈  
雜蛙聲水滿塘何似鰲峰脩竹裡手拋書卷納  
新涼



端陽後一日裴翰卿携二妓載酒同集相

如文園分韻

天涯令節過端陽  
載酒徵歌韻繞梁  
照水並頭羞菡萏  
臨流北翼妬鴛鴦  
雙眉翠黛臺前柳  
十指銀箏陌上桑  
咫尺蓬山元有約  
獨携玉杵贈裴航

寓文園有作

重重花樹鎖荆扉  
鎮日開窓見翠微  
暮雨池邊孤釣罷  
夕陽天外一樵歸  
叢林葉暗蟬爭咽  
新

壘泥乾燕學飛獨客羈栖思無限幾回吟望坐  
苔磯

漁滄廟

誓死寧辭抗賊功登壇百戰氣如虹鴟夷忽見  
浮江出烏華還看立廟崇爵署銀青標徃日兵  
嘶錢騎肅陰風英靈不異平原守千古追思祭  
祀同

過裴其爲南園

南山深處結衡廬舊是裴公綠野居老樹枝垂

恒礙幘古苔紋密每沾裾揣摩鬼谷床頭易檢  
點仙家世外書吟罷溪橋閒試步漁滄潭印月  
明初

訪黃蔭華司理

稔聞芳譽起臨汀憔悴孤臣歎獨醒長日游思  
耽竹素昔年司理領淄青門閒每聽高軒過屋  
小堪書陋室銘遠志出山休自厭移文誰笑草  
堂靈

登寧陽城樓

百雉孤城俯碧流  
半天縹緲出飛樓  
鸛啼斑竹空潭暮  
草沒黃連古鎮秋  
南嶺蒼蒼雲翳寺  
東溪渺渺渡橫舟  
翠華山上清宵月  
偏照思鄉客愁

寧陽金山塔

金山屹立湧浮屠  
百尺雄標插漢孤  
水滙龍門流宛轉  
雲連鷲嶺澹虛無  
無相輪耀日高堪  
接帝座當空近可  
呼三界玉毫光不  
夜共看多寶現尼  
珠

陰汝建孝廉招集東山別業因泛舟龍門

橋登金山新塔同用濤字

載酒尋山喚小舸相携舒嘯步東臯雲邊遠岫  
浮青黛風裏踈松捲翠濤虹亘飛梁橫澗出鰲  
擎孤柱卓空高尊前誰和驚人句欲問青天首  
重搔

丘德長招遊寧化聖水庵同丘私淑

路入重林暑盡消雲邊名剎認前朝山靈不憚  
携雙屐水聖應宜酌一瓢松影參差圍佛地茶

烟縹緲出僧寮晚鐘未動斜陽暝靜聽雨意遠  
暮調

寧陽病起述懷

抱病經旬古廟西起來猶自怯扶藜驚看堦蟻  
如牛鬪愁聽山禽作鬼啼香氣細穿虛牖入月  
光斜照薄帷低迴思故里吾廬好半榻清陰荔  
葉齊

別丘德長

匆匆把臂復離群意氣相看獨有君買得酒航

同泛月携將襪被對眠雲九龍更怯歸程遠孤  
鴈還憑尺素聞回首華山情不極夢魂猶繞翠  
氤氲

清流哭王相如

幾年相別歎離群誰道尋君便哭君淚眼屢揮  
雙袖濕影堂空把束芻焚漁滄舊社虛明月馬  
鬣新阡滿白雲從此何人能好客九龍山水寂  
無聞

遊耕欄寺宋鄧正言肅讀書其中李忠定

綱有詩牌存焉法堂有熙寧碑刻

無數奇峰繞寺門法堂清淨動高旛詩牌故榜  
名丞相書崖猶傳左正言五色古苔蒙石齒千  
年恠樹抱雲根斷碑尚記熙寧歲漫滅銀鉤字  
半昏

送關廣文還端州

由來雅好切緇衣世路無媒賦式微高坐儒羶  
猶未煥懶操齊瑟忽然歸闕天悵望冥鴻遠粵  
水愁看彩鷁飛劉向傳經誰不羨一時心事暫



相違

送余毓初廣文赴春試

青氍坐擁鱸堂高屢上公車不厭勞  
鵬運正搏千里翻馬行偏遇九方皋  
名題御墨開黃榜策射天人夢彩毫  
二月春風吹杏苑萬條官柳映官袍

贈汀州熊二守衡皋

鄞水清霜拂隼旟紫芝應喜望來初  
剖符方領軍司馬彈鋏爭歌客有魚  
醉後陽春傳郢里筆

如清廟響琳球  
橐中携得鸞箋在  
指日添脩五鳳樓

送鄭與交會試

桂林初折一枝新  
彩筆鋒銛若有神  
詩似鷓鴣名宇宙  
跡同鵬鷁離風塵  
黃金已布花宮麗  
白玉還拖杏苑春  
宴罷慈恩雲五色  
錦袍應現宰官身

送雙林還匡廬

一錫遊閩六載餘  
枯禪隨處可安居  
顛狂故任

鬚髭長妙覺偏知性體虛蘆葦折歸浮蠡澤松  
枝偃後認匡廬此中十笏袈裟地何日重來譯  
梵書

送陳子潛遊擊赴潤州其尊人亦曾建牙

此地

兩世登壇建隼旗嶺雲高引八騶車蠻人伐鼓  
雷聲動珠母搖光海色虛騎散劉琨堪坐嘯時  
清卻穀更耽書聖明從此無東慮功斬長蛇父  
不如

將游豫章諸同社邀集法雲禪房賦詩見

送分得潭字

遠游尚未動征驂且對琉璃火一龕客路不堪  
千里別僧房聊借半宵談折殘衰柳霜條脆吟  
傍新梅雪片含後夜相思勞夢寐悠悠雲影隔  
寒潭

別家

獨携孤劍去何之況值天涯歲盡時貧甚別家  
增顧戀老來爲客厭奔馳寒猿嘯雨三聲斷羸

馬衝霜四足疲却笑頻年遠干役催人雙鬢易  
成絲

困溪逢商孟和下第歸同集林子實樓居  
時孟和再納新姬次韻

君方落第異鄉還我正漂零出故山無奈別離  
殘歲裡且拚談笑片時間關河莫阻羈人夢風  
雪潛消壯士顏誰似故園歸去好如花雙擁醉  
眠閒

同在杭過安仁其尊人天池先生曾令是

邑有天池弱在溪上

昔聞賢父此爲邦不聽村墟夜吠厖十室遺民  
今有幾一時仙令古無雙桐鄉伏臘尸朱邑花  
縣風光遍錦江畱得草玄高閣在童烏猶認讀  
書窓

豫章送謝在杭叅藩滇南

彭蠡湖邊惜解携星輶遙指夜郎西天書日下  
瞻丹鳳山色雲中見碧雞南甸諸蠻金罽齒東  
方千騎銑蹄蹄官閒到處堪吟嘯洱海年來靜

鼓鼙

纍纍金紫已垂身六詔分藩簡重臣  
文比王褒堪奉使詩工謝朓動驚人  
雲光五色皆成彩天氣經年總似春  
手板支頤朝爽入點蒼如黛綢  
繡

豫章訪魏禹卿觀察

歲久情將尺素題祗緣踪跡隔雲泥  
一帆南浦因風至千騎東方向月嘶  
下榻敢當高士並工詩真與古人齊  
閒登官閣看朝爽山色青來正

在西

贈黃貞父督學

昔年尊酒對南屏，嶽嶽高談不倦聽。  
稅苑千秋窺武庫，斗墟中夜見文星。  
虎林才子今持節，馬帳諸生日受經。  
桃李花開春正好，捲簾廬嶽送遙青。

泰和曾端甫過訪上藍寺卽別率爾爲贈  
江國風霜歲欲殘，匆匆相對便成歡。  
方揮短麈談蕭寺，又掛征帆上急灘。  
南浦綠波傷別易，西



困清夜共游難萍踪再合知誰日何處音書托  
羽翰

哭謝耳伯

托跡江湖無定居一生精力爲耽書命奇不售  
長楊賦身死空回廣柳車剩有文章傳海宇但  
留靈爽在匡廬楚魂漂泊招難返九辯歌殘淚  
滿裾

送太冲王孫游匡廬

愛向匡山結靜緣獨携杖屨白雲邊春香暗送

王孫草舊社開尋惠遠蓮每見奇峰皆入畫但  
逢名宿卽參禪九天千尺銀河落可憶君家老

瀑泉

太冲尊人貞吉  
宗侯號瀑泉

臘月以昭宗侯招集古雪仝同辟疆嘉祐  
夷庚伯隄貢父諸君共用寒字

驚人佳句昔曾看雖是新知勝舊歡徐孺到門  
頻掃榻魏家能賦盡登壇况逢地主情尤密却  
忘天涯歲欲殘漫道高仝名古雪擁爐相對不  
知寒

臘月廿四夜叔虞安仁過上藍僧舍擁爐

小酌

他鄉節序少歡娛  
丙夜相過對一壺  
臘鼓千家人媚竈  
寒燈孤館客圍爐  
風廊敗葉添蕭瑟  
霜杵殘鐘乍有無  
不是天涯知己在  
羈栖誰念旅人孤

贈孔陽宗侯并呈乃郎幼晉幼明

善成鴻寶挾風霜  
領袖騷壇霸豫章  
十二朱門高帝裔  
三千白髮丈人行  
金枝玉葉兒當戶  
珠

屢華簪客滿堂海內詞林推舊德歸然君似魯  
靈光

同宣仲叔虞集鬱儀園看紅白梅花

臘月偏逢風日嘉巡檐因過子侯家西園正授  
同聲簡東閣爭開間色花五出寒香輕闌雪一  
枝疎影暗籠霞恍疑姑射仙人至綈袂亭亭覩  
絳紗

贈康侯郊居

不誇裘馬樂樵漁買斷名山小結廬顏闔由來

號石隱沈郎從此賦郊居渥恩世守分茅券幽  
事時編種樹書公讌西園拋未得也歸朱邸接  
應徐

贈夷庚宗侯

子侯不出戶庭間君獨周遊轍跡環腰佩銀青  
應自貴手摹金碧未曾閒閣前夜火吹中壘座  
上新詞唱小蠻試問年來招隱意蕭森叢桂許  
誰攀

旅寓洪都上藍寺

旅宿精藍思悄然不堪風雪度殘年  
斗間夜辨龍文氣座下時參馬祖禪  
臘燭照窓頻濺淚霜鐘到枕屢驚眠  
江天無數征鴻過難托音書寄海邊

除夕喻宣仲邀集齋中守歲

雖然守歲客天涯地主逢君似在家  
臘酒瓦甌斟栢葉雪窓髻几對梅花  
同驚老大推年齒獨感漂零負物華  
娛客不須喧鼓吹論詩直到曉星斜

戊午除夕客豫章上藍寺呈魏禹卿憲副  
西山容易掩斜暉明滅禪燈照影微旅邸歲當  
今夕盡故鄉家在幾時歸信陵好客心堪許荆  
楚投人跡暫依殘漏欲終雞唱曉方知四十九  
年非

黿峰集卷之二十終